

Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||
Jesv Theologi.|| De || Christiani hominis || Perfectione In
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipue desumpta

Puente, Luis de la

Coloniæ Agrippinæ, 1625

§. 3. Alia media concordiæ inter coniuges seruandæ.

urn:nbn:de:hbz:466:1-39637

DENIQUE magnum amoris signum esset, quod vterque alterius palato & moribus, in omnibus, quæ licita essent, & expedirent, mutuò se conformarent: quasi in eadem matrice fusi. quamuis vxor, ut potè inferior, magis debeat sese viri voluntati & palato accommodare; flectendo & mortificando voluntatem propriam, vt ei se conformet: cogitans quod quemadmodum Christus Dominus, sponsæ luæ dicit: o Pone me ut signaculum super cōrtuum, ut signaculum super brachium tuum, vt sit similis in vita, quemadmodum impressum signaculum simile est ipsi sigillo: ita vxor tanquam cera mollis debet in se recipere signaculum viri, iuxta mores & voluntatem eius. Qui tamen vir adeò cautus & iustus esse debet, vt non Antichristi, sed ipius Christi signaculum sit: ita ut vxori suæ dicere possit illud Apostoli: o imitare me, sicut & ego Christum imitor: quod quidem adeò difficile non est, verè se amantibus: propterea enim sponsus statim subiecit: p quia fortis (inquit) est, ut mors dilectio, ad mortificandum & iugulandum in se quicquid dilecto suo displiceret: vt se illi in omnibus conformet.

§. III. Alia media concordia inter coniuges seruande.

EX HOC amore omnibus, quas posuimus, conditionibus stipato, nascitur pax & concordia; de qua Ecclesiasticus ait: a In tribus placitum est spiritui meo, quæ sunt probata coram Deo & hominibus: concordia fratrum, & amor proximorum, & vir & mulier bene sibi consentientes. In cuius rei probationem varias adfert sententias: alias quidem, quæ referri possunt ad *damna*, quæ mulier mala & vitiosa adferre solet, alias vero, quas referas ad *bona*, quæ ab eadē bona & benigna proueniunt. quorum adeò diuersorum & contrariorum euentuum radices insinuat. b *Commorari* (inquit) leoni & Draconi placebit, quam habitare cum muliere nequam, in medio proximorum eius ingemuit vir eius: sicut ascensus arenosus in pedibus veterani, grauis illi est: sic mulier lingua ho-
mini quieto, mulieris ira, & irreuerentia, confusio est magna. Mulier, si primatum habeat, contraria est viro suo, quem vehementer cruciabit, & animo quasi deficere faciet. Non des aquæ tuae, quam seruatum cupis, exitum, nec modicum quidem alioquin tota sensim effluet. Ita nec mulier inquam veniam prodeundi, & pro libitu agendi: quia non poteris illam postea continere: c mulier zelotipa dolorem adfert, gemitum, & flagellum lingue eius omnibus communicans, & omnes verberans, sicut *Bonum* dissidentium & inuicem repugnantium ingum, quod tam diu mouetur, & agitatur,

N n n 2

donec

7.
Conforma-
re se in ui-
cem.

n Can. 8. 6.

Maxime
uxor.

o 1. Cor. 11. 1

p Can. 8. 6.

Vir sit in-
fensus.

q Eccl. 25. 1.

Damna
mala mu-
lieric.

b ver. 23.

c. Ca. 26. 4.

Odiosa mu-
ligeris
proprietas.

d Pro. 30. 13

e Eccl. 4. 35.
¶ Viri.

Iugum in-
tolerabileſi
ne gratia.

f Eccl. 26. 1
¶ 16.

Mulier bo-
na.

Eius virtu-
tes.

Vir bonus.

donec vel frangatur ipsum, vel ipsos boues ledat, & torqueat: ita est iugum coniugum, quando mulier est nequam, qui tenet illam quasi qui apprehendit scorpionem, cuius venenum diu torquet ipsum percussum; & tandem emori cogit. Hæc verè omnia Ecclesiasticus: in quibus radices discordiarum ex parte mulieris tangit, quæ sunt in generali, illius mali mores, loquacitas, iracundia, ferox, superbia, & arrogans execundi & prodeundi libertas, zelolytia, & inguisibi impositi, ut alterius subiecta sit, excusio. Hæc sunt conditiones mulieris, quam Salomon d odiosam vocat: ob quam domus, & ipsa simul terra turbatur. Eadem etiam sequi solent damna, si eadem conditiones in viro locum habent, qui e sicut leo in domo exerit domesticos suos, & turbat non modò rugitus, & verbis turbulentis ac furiosis; verum etiam manibus, & terribilium operum vnguis. Sed quid mirum est, si, ut que gratiam à se abijcente & charitatem, quæ matrimonij iugum suave reddere poterat, ferreum illis sit onus, & quædam inferni ipsius effigies; in quo damnati, quamvis alioqui immortales inter se gerant inimicitias simul tamen coguntur viuere.

VERVM è contra magna felicitas est, insignem comparem nancisci cum qua pacificè & quietè viuas; sicut idem Ecclesiasticus hisce verbis declarat: f mulieris bone beatus vir; numerus enim annorum illius duplex, mulier fortis oblectat virum suum, & annos vita illius in pace implebit. Pars & pars bona mulier in parte timentium Deum dabitur viro profactis bonis, gratia mulieris sedula delectabit virū suum, & ossa illius impinguabit, disciplina illius datum Dei est mulier sensitiva & tacita, non est immutatio eruditæ. Gratia super gratiam mulier sancta & pudorata, sicut soloriens in altissimis Dei, sic mulieris bone species & pulchritudo anima in ornatum domus eius. Lucerna splendens super candelabrum sanctum, columna aurea super bases argenteas, & pedes firmi super plantas stabilis mulieris quam domi manere delectat; foras vero prodire, graue est. Hæc Ecclesiasticus, in quibus concordia à parte mulieris radices describit, quæ sunt vita sanctuas, illius prudentia & diligentia, taciturnitas & pudor, & quietis mansionisque domestica amor: ut nihil spectet aliud, quam bono illi exemplo, discretaque gubernatione prælucere. Eisdem bonis fruitur etiam vxor, si bonum nancisci & prudentem virum potuerit. nam & hic donum Dei est, & bona pars ac pars timentium eum.

VERVM, quoniam aliqua inter naturales, utriusque coniugis, conditions, varietas est & indifferentia, è qua discordia nasci queant excitanda & fouenda inter eos est C H A R I T A S, quæ benigna est, & omnia suffert, ad excessus mortificandos, ut eadem conditions in unam coalescant utriusque communem, ut benè hisce verbis S. Gregorius

pon-

ponderat. Admonendi sunt coniuges, vt si quid occurrat, in quo alter alteri displiceat, illud ipsum patienter sustineant. & magna cum discretione exculent, memores sententia illius Apostolice: *g Alter Alterius onera portate, & sic adimplebitis legem Christi.* Lex autem Christi charitas est, propter quam ipsis bona sua libenter nobis contulit, & mala nostra æquanimiter sustinuit. Tum verò legem adimplemus, cùm bona nostra liberaliter elargimur; & mala alterius piè toleramus. Ad hoc etiam non parum proderit, si vnumquisque consideret, non tam id quod ab altero patitur, quām quod ab ipso alter pati cogitur. Hæc quidem S. Gregorius. Cui ipse adiungo, lege charitatis, illos etiam inuitari, vt iram tunc cum silentio refrenent, cùm alter eandem inordinatè & liberè laxat, ne oleum igni infundant. Si verò loqui eos oporteat, tanta id modestia & lenitate fiat, vt iracundia furorem & feruorem extinguat. Verùm si pax hæc haberi ob intolerabiles & præfractos alterius tantum mores nequeat, si tamen alter, *h quod ex se est* (vt Apostolus ait) eandem habere satagat, mercedem suam, & coronam non amittet. Imò solet Deus hanc conditionum repugnantiam permettere ad suos electos exercēdos, ac perficiendos, & ad insignes sanctitatis gradus perducendos; vtens viri alperitate tanquam instrumento ad vxoris sanctitatem perficiendam, aut importunis vxoris moribus, quò vir eius ad eminentem sanctimoniam exurgat. Et in hoc (vt Salomon ait) iustus qui turbat domum suam, seruinet sapienti. Ex ea enim occasione prudentior euadit ac sanctior. Et ita S. Gregorius ait, *Dominorum & Prælatorum duritiem & rigorem seruos & subditos sanctos reddere: seruorum verò & subditorum duritiem Dominis & Prælatis vicissim esse meritorum occasionem:* k nam *diligentibus Deum omnia cooperari in bonum & salutem animarum.* Ambo tamen (ait S. Basilius) cōditiones & mores suos mortificare & flectere non nihil deberent; memores instinctus illius naturalis, quem *viperæ*, serpentum crudelissimæ Deus indidit; hæc enim dum murænæ maritimæ se coniungere vult, oram maris petit, & sibilo, aduentus sui dat indicium: quo auditio adnatat muræna, & intrepidè viperæ coniungitur: sed hæc īte congregatum, omne, quod continet, virus abiicit, ne quod compari damnū adferat. Discant hoc exemplo coniugati, feritatem & duritiem moderari ac mortificare: vxor virum sequi, eique se subiçere, quamvis vipereus sit & virulentus; maritus verò suā flectere conditionem, & animum mitigare, quod vxor illum sustinere queat. Alia huc spectantia media, nec minus efficacia, sequentibus capitibus proponentur.

*i p. post. ad-
mon. 38.*
 " "
 " "
g Gal. 6. 2.
 " "
 " "
 " "
*Ira extin-
guenda.*

*h Rom. 12.
18.*

*Alter alte-
rum exercet*

*i Proth. II. 29
Lib. 20. mor
c. 21.
" "
k Rom. 8.
28.
Resext La-
douic. Legi-
onensis.
Vipera cau-
tio.*